



KENYATAAN MEDIA

YB DATO' SRI ARTHUR JOSEPH KURUP SEBAGAI MENTERI SUMBER ASLI DAN KELESTARIAN ALAM

Saya merakamkan setinggi-tinggi penghargaan kepada YAB Perdana Menteri atas kepercayaan yang diberikan kepada saya untuk memikul amanah sebagai Menteri Sumber Asli dan Kelestarian Alam. Pelantikan ini merupakan satu tanggungjawab besar yang saya terima dengan rasa rendah diri, penuh iltizam dan komitmen untuk terus berkhidmat kepada rakyat Malaysia.

Kementerian Sumber Asli dan Kelestarian Alam memegang peranan strategik dalam mengimbangi keperluan pembangunan negara dengan pemeliharaan alam sekitar. Dalam era perubahan iklim, kehilangan biodiversiti dan cabaran keselamatan sumber, pendekatan pengurusan sumber asli perlu diperkukuh dengan dasar yang berasaskan sains, tadbir urus yang telus serta kerjasama erat antara Kerajaan Persekutuan, kerajaan negeri, komuniti tempatan dan pihak industri.

Keutamaan saya adalah untuk memperkukuh agenda kelestarian alam selari dengan aspirasi Malaysia MADANI, termasuk usaha pemuliharaan hutan dan biodiversiti, pengurusan sumber air yang berkesan, perlindungan kawasan sensitif alam sekitar serta pengukuhan daya tahan negara terhadap impak perubahan iklim. Dalam masa yang sama, pembangunan ekonomi hijau dan peluang pekerjaan berasaskan kelestarian akan terus dipacu demi kesejahteraan rakyat.

Saya komited untuk bekerjasama rapat dengan seluruh warga kementerian, agensi pelaksana, pertubuhan bukan kerajaan, akademik dan sektor swasta bagi memastikan setiap dasar dan inisiatif dapat dilaksanakan dengan berkesan serta memberi impak nyata kepada rakyat dan alam sekitar.

DATO' SRI ARTHUR JOSEPH KURUP
MENTERI SUMBER ASLI DAN KELESTARIAN ALAM
17 DISEMBER 2025

